



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri De Dusburg, Ordinis Teutonici Sacerdotis, Chronicon
Prussiae**

Petrus <de Dusburg>

Francofurti ; Lipsiae ; Regiom. Pruss., 1679

Caput CVI. De Destructione territorii Rinovv & Morte habitantium in eo.

urn:nbn:de:hbz:466:1-11850

*Poppo de Ostera VI. Magister Gener. Ord. Teutonici.
Helmericus de Reichenberge VI. Mag. Prov. Prussie.*

Hic & variis afflictionibus Castigati Sambitæ à Domino per manus fratrum & aliorum Christi fidelium non valentes amplius resistere presentatis filiis suis in obsides subdiderunt se iterum fidei Christianæ.

CAP. CV.

De

Recidinatione Sambitarum de territorio Rinovv.

Sed inimicus humani generis Diabolus qui paci fidelium semper invidet & quieti, suggestit his hominibus Sambitæ qui in territorio Rinovv fuerant constituti, quod in apostasiæ vitium iterum sunt relapsi. Unde ipsi congregati cum Exercitu Castrum Vischusen Episcopi Sambiensis impugnaverunt, in quo nisi duo viri, scilicet unus frater & famulus ejus fuerunt illâ vice. Et ecce mira res percussî acrisiâ excœcavit eos malitia ipsorum, ut Zonam seu Corrigiam pendentem ante oculos ipsorum non viderunt, quam si cum minimo digito manus suæ traxissent, dicti Castri ostium aperuissent, & ipsum per consequens funditus destruxissent, & sic post impugnationem aliqualem infecto negotio recesserunt.

CAPUT CVI.

De

Destructione territorii Rinovv & Morte habitantium in eo.

Quod cum ad aures fratrum de Kunnigsberg deveniret, indignati ex hoc, congregaverunt cum aliis Sambitis exercitum

tum & intrantes dictum territorium Rinovv omnes viros interfecerunt mulieres & parvulos cum omni ipsorum substantia deducentes, sicque iterato quievit in pace terra Sambia sicut prius.

CAP. CVII.

De

*Ædificatione Castrorum Tapiaw, &
Loctete in terra Sambia.*

INfra Apostasiam secundam Castrum^(a) Tapiavv, quod Prutheni nominant sugarbi & in successu temporis Castrū, Wiklantfort, quod dicitur nunc Loctete, à nomine cujusdam Sambita, dicti Lauctiete, qui ibidem morabatur, ædificaverant, munientes ea, ut facilius compescerent malitiam Sambitarum.

ANIMADVERSIO.

^(a) Auctor Chron. Latine sub Frid. Mag. scripti arces Tapiavv & Loctete dicit ab Henrico de Wida Magistro Provinciali tertio exstructas esse. Sed Dusburgio ut antiquiori fides habenda est.

CAP. CVIII.

De

Desolatione Castri Girdawie.

HOc tempore quidam dictus Girdavv, cujus progenies adhuc dicitur Rendalia, Zelator fidei & fidelium, habuit in terra Barthenli castrum dictum à nomine suo Girdavv. Hic post multa bella & impugnationes, quas à compatriotis suis apostatis sustinuit, dum omninò deficeret ei victus, combusto Castro cum omni domo & familia sua ad fratres de Kunnigsberg repedavit.

CAP.